

宮門抄

七月初八日 吏部 翰林院 正黃旗值日 吏部引見六十七名 直隸總督袁世凱到京請 安 陸潤庠續假五日 召見軍機 袁世凱 七月初九日京電本日 召見軍機 袁世凱

諭旨

七月初九日京電本日奉 上諭廂旗蒙古都統連順由委騎校出征隨從金順等轉戰甘肅新疆等處積功擢任副都統升烏里雅蘇台將軍 廂蓋旗蒙古都統宜力有年無曠厥職茲聞連順病故特加恩著照都統例賜恤任內一切處分悉予開復應得恤典該衙門查例具奏伊子藍翎侍衛恩和著賞給三等侍衛欽此

專電

上諭陝西延榆綏總兵員缺著永明補授欽此 七月初九日常德來電 常德連日雷雨大作河水陡漲沿途電桿均遭水淹水深約有四五丈

譯電

◎西八月二十六號倫敦來電 紀俄首相府拋擲炸彈事 俄首相司徒利賓氏在府中宴請各署官員忽有穿官服之人多名以炸彈拋入房間共傷斃賓客四十人中有高等官員數名首相雖幸免於難然將其十五歲之女子兩腿炸傷云

◎西八月二十七號倫敦來電 再紀俄首相府拋擲炸彈事 俄首相司徒利賓氏在府中宴請各署官員忽有穿官服之人多名以炸彈拋入房間共傷斃賓客四十人中有高等官員數名首相雖幸免於難然將其十五歲之女子兩腿炸傷云

◎西八月二十六號柏林來電 土皇病體尚未復原 土耳其國皇日前赴宴後身體雖尚強健然尚未接見各國大使

◎西八月二十六號柏林來電 英皇在馬利燕華多地方時特召哈英大臣路頭氏相見商議要政

◎西八月二十六號柏林來電 法國非葛魯報紙載稱英皇擬於日內回國經過法京巴黎並不逗留

◎西八月二十六號柏林來電 德皇孫受洗時凡有因干犯德皇族得罪之官員均蒙赦

◎西八月二十六號柏林來電 俄國陸軍大將提瑞普夫近日忽患心疾甚劇

▲三紀俄首相府拋擲炸彈事 俄國首相司徒利賓氏在避暑別墅開筵宴賓忽有陸軍服式者數人投以炸彈立斃二十八人傷二十二人聞中有首相之子女當時即立殺亂黨數人然首相府已全行破壞矣

要聞

▲王大臣齊集 頤和園閱看考政條陳 旨派各王大臣公同閱看旋由軍機處片交各王大臣於初八日齊集 頤和園外務部公所 旨閱看

▲天津設立自治局派官紳會議 政府會議實行地方自治先從天津辦起已紀前報現袁宮保特設自治局 於天津派天津府凌太守福彭為總辦金太史邦平為會辦總辦會辦以次尚有二十餘員定於今日開局會議

▲鄂督對於立憲之意見 漢口來函云近日政府時有密電與張宮保 籌商立憲問題 關防頗密茲探得覆電中有云時局固特甚對於立憲茫不知境程度過低 急行勞擾無益且損 (中略) 教育自治 乃立憲之特點 如欲早布立憲須急行 強迫教育 使全國人民智識日啓庶一舉而收效速 否則徒滋騷擾而已

▲學部釐訂學章 探聞學部近日釐訂學章章程內有二條 一計分係按每日計分法由教習總計日分而為月考分數又由監督總計月分而為期考分數與從前計分法大異 其中詳細辦法尚待再探 一放假年假縮短為二十日自十一月二十起至正月初十止暑假展長為五十日以求合前奏定章程七十日之數其時期則按節候遲早隨時酌定

▲端大臣奏請速訂女學章程 日前端大臣專摺奏請 飭下學部 速訂女學章程 當奉 硃批學部妥議具奏

▲閩督請設船塢於廣東 兼署閩浙總督崇軍帥於日前奏陳整頓海軍請設船塢查廣東海口海灣形勢天然可作船塢等語聞此摺已由政務處議交南洋大臣詳酌覆奏

▲川督請阻法人勘路 聞法人現擬將滇越鐵路展築至四川境內已迭派法員入川查勘川督錫清帥以茲事關係中國主權甚鉅且裏塘番

亂尚未盡平巴渝一帶民番雜居風俗獲戾尤不可以理喻法人勘路往來難保不滋事端特電請外部照會法使轉飭 停止

江西商會為鐵路籌款事電稟商部

江西商會前因鐵路籌款無著議定 加收鹽價 開辦以來頗資湊濟近聞江督以此舉於鹽斤銷路不無阻滯有奏請 停罷之議該省商會紳商已電稟商部謂江西省因鐵路籌款將鹽斤加價 銷路並無阻滯 聞江督議請停罷路局恐有渙散之虞乞 照舊辦理 以安人心而裕路款云云

本埠新聞

●車站紀事 駐京法國公使同駐津法副提督於初九日由京乘早車來津又符聖公之太夫人於初八日下午由京乘包車來津隨換乘肩輿至新鐵路下船回山東原籍又戶部造幣廠派差押運銅元一百三十四萬枚於初九日往深州 ●官場紀事 漁業公司總辦張觀察振芳現奉委兼充糧餉局會辦

●學台批示四則 津郡藥行商人及各幫藥行商人等稟復懇恩轉詳立案一案 批據稟已悉該藥商等遞陳醫學堂籌辦情形為前稟所未及是該商意在爭回廟屋借學堂為抵抗孫洪儀之地瞭然可見不知創立學堂乃公益非私見本司之視明新中學與該商之醫學堂同一律毫無偏倚惟孫洪儀稟請在先該商等呈明在後先後之間即取為標準此當然之辦法至謂藥王廟為藥商贖地修補故必須設立與藥商有關之醫學堂則津郡改公地為學堂者已數見不鮮設某行之公地必辦某行之學堂決無此理總之該商等既已集有經費明訂章程實屬好義急公但醫學堂專門學堂前已批示需款極巨豈千餘元所能辦仰另覓妥地訪明專家訂定章程再行開辦若斤斤於廟屋之爭論甚無謂也此批△新城縣勸學所總董高顯嶽稟請勸學所公舉勸學員請飭縣裁撤社長歸村正副辦理學務一案 批函稟已悉該縣勸學所公舉勸學員議定劃分學區之法官紳既均認可應即妥籌經費迅速舉辦至該縣蒙學向皆假手社長今既擬分區勸辦亦不得仍援舊例但此事該紳須將詳細情形及一切利弊稟由該縣妥籌辦法總以和平手段出之為妙該社長等如果仍前持抗不遵辦理再行稟縣嚴懲以維學界而抑劣紳未為晚也此批△鉅鹿縣高等小學堂學生宋榮瑒等稟懇換學董以便肄業一案 批據稟學董夏增仁德不眾事多徇私各節均悉查前師範生李逢謙等稟控該董濫權執事等情到司當即札查在案茲據前因應候再節併案查覆核奪該生等安心肄業勿瀆△大城縣勸學所總董鄧毓真稟整頓學務多掣肘懇恩改派他人一案 批該總董所陳各節自係實在情形方今時局多艱動多掣肘匪特一案一縣為然長難即退地方公務誰其任充所請改派之處遠難照准至一切應行改良事宜應俟視學員到時會同該縣妥籌辦法以資整頓

●聲明考驗學生定章 提學司署於日前奉到督憲札文內開為札飭事六月十一日准學部電開本部前奏考驗游學畢

業生每年八月舉行一次保授上年考試學生金邦平為之案專指在東西各國大學及各省各種專門之高等學堂畢業者而言其餘中學以下及各種速成學堂畢業者均無庸來京考試頃見五月二十四日時報載上海縣告示稱奉憲札飭屬查各學堂所聘之速成師範如有志觀光由學務處稟請詳請咨部考試等語除電知蘇撫飭令更正外恐各省或有誤會並以奉聞等因到本督部堂准此合行札飭該司即便移行查照此札

●私造假印被獲 探訪局總辦楊觀察於初七夜在北京順治門外鐵門地方拿獲私造假印之湖北人朱翰臣一名年約四十餘歲並起出私鑄鑄戶部等印六顆功牌獎札及戶部執照若干張隨於初八日晚車押解來津訊辦

●考試巡警 刻下營口舉辦巡警南段總局特傳諭各局區各撥巡警二十名於初九日早齊集總局分班考試以便挑取派往營口差遣

●採辦軍需 河南陸軍轉運局札委候補知縣任玉田大令來津採辦石印機器篷布水壺及行軍水電線等件於初九日裝火車運回河南以備秋操應用

●振興市面 河北北京張鐵路局附近隙地現建造極大樓房一所聞落成後擬將北馬路之繪芳戲園遷入以期振興市面云

●賊犯脫逃 探訪局前在北京拿獲賊犯田存九穆慶二名解津送由巡警總局訊明偷竊慶慶會館某觀察財物當將該犯等發縣看押不料前夜田存九一名竟由縣乘隙逃去

●日本提督將次回津 北洋日報載駐津日本提督神尾大將將於西本月下旬由本國起程回天津任所

●來函照登 津報主人惠覽敬乞者於本日晚七點半鐘敝堂因要事欲在電話上與中學堂談話初搖鈴伊日說話矣再搖鈴伊日說話矣三搖鈴伊日線不足矣遲至八點鐘尚未接上似上玩弄遺誤非輕乞登諸貴報以聲其惡此上即請晚安 敝堂是五百四十一號中學二百十九號 江蘇公立旅學堂謹乞 初八日

北京新聞

●政務處擬辦官報 政務處擬刊官報久有此議惟因經費難籌故迄未實行現聞已由某大臣籌有鉅款飭令司員妥議章程預備奏請開辦

●擬派黃星使赴財政商務會 此次義大利特開財政商務會邀請各國入會中國亦應派員前往惟會期已迫不及另派專員聞政府擬即電令駐義大臣黃星使就近赴會云

●請添鐵嶺防兵 聞奉天將軍趙次帥電商練兵處王大臣以鐵嶺一帶開通商埠原駐防營未能得力應請允准由奉省添募新兵二營駐守該處以資保衛

●擬派員出洋勸捐 聞政府諸大老會議以目下與復海軍及修築蒙古鐵路各事宜在在需款孔亟各省籌畫本省路款尙屬力有未逮勢不能不顧及其他現在華商僑寓外洋者尙不乏殷實愛國之人擬仿照李文忠公辛丑派員出洋勸捐之法再派員分往各國一面招股一面勸捐以收集腋成裘之效

●林參議抵滬 學部派往東洋考查學務之林參議瀛深聞日昨有電到京云現已抵上海即日附輪東渡